

Quand'Eddi M'Accurdarani...

Quand'eddi m'accurdarani chì sta terra hè a meia
Quandu avaraghju ancu eiu u me paesi à mè.

Quandu mi rispitarani senza marchjami in coddu
Quandu saraghju dinù patronu di i me lochi.

Quand'a me lingua anch'edda sarà para di a soia
Quandu eiu dinù avaraghju a me scola.

Quand'elli m'accurdarani chì sta terra hè a meia
Tandu saremi amichi parchi saremi pari.

Quandu saraghju dinù figliolu di i mei
Senza vergogna più d'essa inferiori à eddi.

Quandu eiu vultaraghju ind'e mè à campacci
Quandu ùn mi mugarà più u sò sapè supranu,

Quand'eddi m'accurdarani chì sta terra hè a meia
Quandu avaraghju ancu eiu u me paesi à mè.